



# **basic education**

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**2022**

**TICONDZISO TEKUMAKA**

**EMAMAKI: 80**

**Leticondziso tekumaka tinemakhasi la-19.**

**TICONDZISO TEKUMAKA**

1. Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (**Umhlolwa akumelanga aphendvule indzabambhalo kanye nemibuto lemifisha encwadzini yinye.**)
2. Esigabeni A, nangabe umhlolwa aphendvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. Esigabeni B na C, nangabe umhlolwa aphendvule imibuto lemibili kulemifisha nobe imibuto lemibili yendzabambhalo, maka imphendvulo yekucala kuphela uyekele lelandzelako. Nangabe umhlolwa aphendvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto ionemibuto lemifisha namunye umbuto wendzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ayingamakwa.
5. Nangabe tinombolo tetimphendvulo tinemaphutsa, maka ulandzele ticondziso tekumaka.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ingatsikameteki, akunikwe limaki.
7. Umbuto wendzabambhalo: Nangabe indzabambhalo inemagama langaphasi kwalawo lemisiwe, umhlolwa akangajezisa ngobe vele sewutijezise yena ngekwakhe. Nangabe indzabambhalo iyindze kakhulu, akahlolwe ngekwelikhono lakhe bese kucociswana nalabaphetse umsebenti wekumaka. **Akusetjentiswe irubhriki yekumaka indzabambhalo** lesesichibiyelweni A na B.
8. Imibuto lemifisha: Nangabe umhlolwa angakafaki bokhulumile kantsi kufanele acaphune, **akangajezisa**.
9. **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukaniswa emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

**SIGABA A: TINKONDLO****TINKONDLO LETIFUNDVWE EKLASINI****UMBUTO 1: UMBUTO LOYINDZABAMBHALO****UYILIMILE INDZIMA – FC-Nkosi****INDZABAMBHALO**

Sakhiwo sendzabambhalo kumele sivete ***singeniso, umtimba nesiphetfo.***

**SINGENISO:**

Bahlolwa bachaza kutsi yini sifundvo babuye bavete nekutsi leyo naleyo nkondlo iba netifundvo.

Sifundvo Iwati lolutfolako ngalokutsite lokumayelana nemphilo ngemuva kwekufundza inkondlo.

**UMTIMBA:**

Kuphawulwa kabanti ngetifundvo letitfolakala kulenkondlo letifaka ekhatsi leti letilandzelako:

- Kubeketela kuyaphumelelisana.  
Umnumzane Mandela wabeketelela simo lesimatima selubandlululo, ahlukunyetwa nguhulumende welubandlululo kodvwa ekugcineni waphumelela yefika inkhululeko.
- Kuhle kuma ecinisweni ngaso sonkhe sikhatsi.  
Umnumzane Mandela nebaligani bakhe bema ecinisweni lekutsi umuntfu lomnyama akhululeke eNingizimu Afrika, abazange bagudluke.
- Kucala ngemfundvo kugcinwe ngebunandzi.  
Lusha aluale ngekwenta lokubalulekile emphilweni bese lugcina ngekujabula.
- Kuyekelwe tidzakamiva kunakwe imfundvo/Kulungiselelwé likusasa.  
Lusha aluyekele tidzakamiva kute lube nemphilo lencono nelikusasa lelichakatile.
- Kufundza lokuhle ngemachawe lalwela inkhululeko eveni lakitsi.  
Kubalulekile kwati kutsi sive sisukaphi futsi siya kuphi/kubalulekile kufundza ngemlandvo welive kute kubonakale kutsi live liya kuphi, kuvele nemachawe lamasha.
- Kucabangela labanye ungaticabangeli wena wedvwa.  
Umnumzane Mandela nebaligani bakhe babeka sive embili bangaticabangeli bona bodywa ngobe sonkhe sive sihlomula ngekutfolakala kwenkhululeko leyalwela ngibo.

(Nalokunye lokubhalwe kulenkondlo lokungakabalwa lapha ngenhla kwemukelekile.)

**SIPHETFO:**

Bahlolwa basonga konkhe lababhale ngako lapha ngenhla, lapho bacoca khona ngetifundvo letitfolakala kulenkondlo.

**BONA EMARUBHRIKI EKUMAKWA KWENDZABAMBHALO YETINKONDLO SICHI BIYELO A.**

[10]

**UMBUTO 2: IMIBUTO LEMIFISHA****'LOMFUNDVO' – TG Nkosi**

- 2.1 Imvumelwanosicalo ngobe lemigca lemibili lelandzelanako icalisa ngetinhlavu letifanako 'wa'. (2)
- 2.2 Sifanisongco ngobe sonkondlo ubite imfundvo ngacelemba/imphindza ngobe kuhindvwe ligama 'cota' emgceni munye. (2)
- 2.3 Ingikitsi yimfundvo, ngobe sonkondlo ukhuluma ngekukhalipa engcondvweni, ucoshe inhlupheko, ukhone kucatulula tinkinga temphilo. (Naleminye imibono lenembako yemukelekile.) (2)
- 2.4 Abecondze kutsi nangabe umuntfu afundzile imibono yakhe neluvo Iwakhe kutsatselwa etulu/Livi lalofundzile liyevakala nakakhuluma ebantfwini ngobe usuke akhuluma intfo **lejulile** leyakhako nalevakalako. (Naleminye imibono lenembako yemukelekile.) (2)
- 2.5 Sonkondlo uyisebentise kahle lemphindzamcondvo ngobe ugcizelela kutsi ufisa kuhlala afundza njalo angayekeli nanini. (2)
- [10]**

**UMBUTO 3: IMIBUTO LEMIFISHA****'DZELIWE' – FC Nkosi**

- 3.1 Luchumano lolutjekile/loluvundlile ngobe emgceni we-8 kugcinwe ngalo leligama kwaphindze kwacalwa ngalo emgceni we-9. (2)
- 3.2 Sifaniso ngobe sonkondlo ufanisa buso lobuhle baDzeliwe neligolide. (2)
- 3.3 Kuhhohloka kwelitsema kusho kushabalala kwetifiso nemaphupho asonkondlo/**Kwaphela konkhe labekufisa ngaDzeliwe**. (Naleminye imibono lenembako yemukelekile.) (2)
- 3.4 Ngumoya welusizi. Sonkondlo **uvalelisa** Dzeliwe ngobe angasekho emhlabeni. (2)
- 3.5 Sonkondlo uphumelele kukhetsa lamagama latsi 'lala ngekuthula Dzeliwe' ngobe lenkondlo ikhuluma ngekufa, lamagama ashiwo uma kuvaleliswa umuntfu losishiyle emhlabeni, kutsi umoya wakhe uphumule kahle. (**Naleminye imibono lenembako yemukelekile.**) (2)
- [10]**

**UMBUTO 4: IMIBUTO LEMIFISHA****'NGONENI KUWE MHLABA' – MS Mbuyane**

- 4.1 Imphindzamcondvo ngobe sihambi nesivakashi kunenshokutsi lefanako. (2)
- 4.2 Luchumanosicalo lolwecako, lamagama lagcanyisiwe ahlukaniswa ngumugca munye. (2)
- 4.3 Ngumoya wekukhatsateka/Lusizi/Kujabha ngobe kute lokulungako emphilweni yasonkondlo. (2)
- 4.4 Inhlanti nayisemantini iyashelela futsi iyahlabu, kulukhuni kuyibamba ngako-ke sonkondlo ucondze kutsi imphilo ilukhuni futsi akusilula kuhila kulomhlaba. (**Naleminye imibono lenembako yemukelekile.**) (2)
- 4.5 Ngumunfu lobeketelako/lonesibindzi/longaphelela ngemandla uma afuna kuhumelela. (**Naleminye imibono lenembako yemukelekile.**) (2)  
**[10]**

**NA****INKONDLO LENGAKAFUNDVWA EKLASINI****UMBUTO 5: IMIBUTO LEMIFISHA****'MGALAFAWU' – NP Mabaso**

- 5.1 'Nklihhiihi! Nklihhiihi...!' (1)
- 5.2 Sifanangwaca. (1)
- 5.3 Luchumanomkhatsini. (1)
- 5.4 Ubasus' enhla  
Uyewubatsi citsi entasi.

**Batsats' entasi****Ubasingis' enhla**

(1)

- 5.5 Iphethini ihleleke ngalendlela: Tindzima tintsatfu, yekucala neyekugcina tinemigca leyimfica. Yesibili inalesiphohlongo. Emagama asukela kulamabili kuya **kulamatsatfu**. (2)
- 5.6 Tibongo tesimanje ngobe sonkondlo ubongelela umgalafawu loyimoto letfwala bantfu ibayise etindzaweni letehlukahlukene. (2)
- 5.7 Sonkondlo usisebentise kahle lesicatsanisi ngobe labanye bagibela baya etindzaweni tabo kuyewutijabulisa kantsi labanye bahanjiswa tinhlupheko nobe lusizi loluvelite. (**Naleminye imibono lenembako yemukelekile.**) (2)  
**[10]**

**SAMBA SESIGABA A:** **30**

**UMBUTO 6: UMBUTO LOYINDZABAMHALO****SIGABA B: INOVELI/TEMDZABU  
LIPHUME NEBOVU – BB Malangwane**

Sakhiwo sendzabambhalo kumele sivete **singeniso, umtimba nesiphetfo.**

**Tigameko letivetwa tinhlobo teludvweshu kulenovel.**

**Singeniso**

Bahlolwa bachaza kutsi yini ludvweshu futsi basho nekutsi kunetinhlobo letimbili teludvweshu; Ludvweshu Iwangekhatsi neludvweshu Iwangaphandle.

**Umtimba**

Bahlolwa baveta tigameko letakha ludvweshu.

**Lushawulo****Tigameko letivetwa nguLushawulo letakha ludvweshu Iwangehandle**

- Lushawulo ucabana naTintfombi ngekukhulelwa kwakhe bangakavumelani.
- Lushawulo ucabana naTintfombi ngekubeleka liphumalimile.
- Kunekungaboni ngeliso linye emkhatsini waLaMagagula naLushawulo ngekwakhelwa kwaTintfombi likhaya.
- Kucabana kwaLushawulo naTintfombi emuva kwekuba asashaywe emkhayeni kutsiwe nguye locedza bantfwana baLushawulo.

**Tintfombi****Tigameko letivetwa nguTitfombi letakha ludvweshu Iwangehandle/Iwangekhatsi**

- Kufika kwaTintfombi eJozi Lushawulo angakamlindzeli.
- Kukhulelwa kwaTintfombi kubanga ingcabano.
- Kushiywa kwaTintfombi akhulelw angati kutsi utamfolaphi Lushawulo iJozi iyinkhulu kangaka, kwadala ludvweshu Iwangekhatsi.
- Kutsakatsa kwaTintfombi kwadala ingcabano emndenini waLushawulo.

**LaHlophe****Tigameko letivetwa nguLaHlophe letakha ludvweshu Iwangehandle/Iwangekhatsi**

- Kubandlulula bantfwana baLaMagagula kutsandvwe baTintfombi.
- Kutsanza makoti lomusha angasanaki LaMagagula.
- Kuhanjisa kwaLaHlophe kwabanga ludvweshu kaKhumalo.
- Kucoshwa kwaLaHlophe kwenta kutsi abe neludvweshu Iwangehandle nelwangekhatsi.

(Naletinye tigameko letingakabalwa lapha letigcamisa tinhlobo teludvweshu enovelini temukelekile.)

**Siphetfo**

Bahlolwa basonga konkhe loko labebacoca ngako lapha ngenhla.

**CAPHELA:** Bahlolwa kumele bacaphune tigameko letisendzabeni letesekela imibono yabo.

**BONA EMARUBHRIKI EKUMAKWA KWENDZABAMHALO, SICHIBIYELO B na C**

[25]

**UMBUTO 7: IMIBUTO LEMIFISHA****LIPHUME NEBOVU – BB Malangwane**

- 7.1 Ngumoya welusizi ngobe kushona umntfwana waTintfombi embi kwabo/Ngumoya wekwesaba ngobe bantfwana baLushawulo bayaphela akusuye wekucala kushona lapha kaKhumalo/Ngumoya wekujabha ngobe abazange batfole lusito enyangeni tinhlolo tavele talandvula. (Kunye kwaloku.) (2)
- 7.2 LaMagagula uvetwe anesimilo lesihle ngobe simbona akhombisa kwesekela zakwabo ngekuhamba naye bayewufuna lusito enyangeni nangekumbambela umntfwana. (2)
- 7.3 Letheksthi inaye mdvonseni, tetsamelilwati tifuna kwati kutsi bantfwana baTintfombi badliwa yini/Tetsamelilwati tifuna kwati kutsi njengobe sekafikile Lushawulo ngutiphi tinyatselo latawutitsatsa ngekushona kwebantfwabakhe. (Kunye kwaloku.) (2)
- 7.4 Letheksthi iyincenyne yesicakacaka ngobe kugula bantfwana babuye bashone ngendlela yinye/Sekute kuthula kulomuti wakaKhumalo/Bangena baphume etinyangeni bafuna lusito kodvwa abalutfoli. (Kubili kwaloku.) (2)
- 7.5 Kuletheksthi Tintfombi ukhala kwangatsi akati lutfo ngekufa kwebantfwana kepha esiphettweni kuyavela kutsi nguye lobekabulala bantfwana. (2)
- 7.6 Lushawulo unguplingisi loyindilinga, kuletheksthi weseckela Tintfombi kodvwa eluvutfondzabeni uyamcosha. (Naleminye imibono lenembako yemukelekile.) (2)
- 7.7 Sihloko lesitsi 'Liphume Nebovu' sicambeke kahle ngobe shisho kuphela kwentfo lebuhlungu emphilweni yemuntfu. Kulenoveli LaMagagula utfola kuphumula kulobuhlungu labebukene nabo emendvweni wakhe ngenga yaTintfombi. (2)
- 7.8 Inhoso kufundzisa tetsamelilwati kutsi kubeketela kuyaphumelelisana njengobe LaMagagula asele yedvwa nendvodza yakhe Lushawulo angasabangisani namuntfu. (Naleminye imibono lenembako yemukelekile.) (2)
- 7.9 Tetsamelilwati titfola umlayeto wekutsi yatisise intfombi ngembikwekuyiteka. (2)
- 7.10 Lenkhulumo ifanelo Tintfombi ngobe kutsiwa abemuhle kodvwa abengumtsakatsi abulala bantfwana baLushawulo/Abetsandzana naLushawulo nemdzeshi ngesikhatsi sinye. (2)
- 7.11 Inkinga yaLaMagagula yekuhlushwa nguTintfombi esitsenjini yasombululeka ngobe kwatfolakala kutsi nguye lobekacedza bantfwana, wacoshwa emndenini wakaKhumalo/Wasala yedvwa endvodzeni yakhe angasabangisani namuntfu. (2)
- 7.12 Ungumlandzi longusatikonkhe ngobe;
  - Wati imicabango yebalingisi,
  - Wati lingemuva labo,
  - Wati indzawo lebakuyo
  - Wati imiva yabo. (Kutsatfu kwaloku.)
(3)

[25]

**UMBUTO 8: UMBUTO LOYINDZABAMBHALO****KUBAMBA LETINGELAKO – DE Nkosi**

Sakhiwo sendzabambhalo kumele sivete **singeniso, umtimba nesipheto.**

**Tigameko letivetwa tinhlobo teludvweshu kulenoveli.**

**Singeniso**

Bahlolwa bachaza kutsi yini ludvweshu futsi basho nekutsi kunetinhlobo letimbili teludvweshu; Ludvweshu Iwangekhatsi neludvweshu Iwangaphandle.

**Umtimba**

Bahlolwa baveta tigameko letakha ludvweshu.

**Sikhulu Tsabetse**

**Tigameko letivetwa nguSikhulu Tsabetse letakha ludvweshu Iwangehandle**

- Kuncisha Mphikeleli indzawo yekuhlala.
- Kucoshisa Mphikeleli esikolweni.
- Kucabana naMphikeleli ngekusebentela ummango atsi uholelwa ngubani.
- Kucabana naMphikeleli ngekuhlanganisa belaphi bendzabuko nebasenshonalanga atsi yena ulikholwa.

**Magumeni**

**Tigameko letivetwa nguMagumeni Tsabetse letakha ludvweshu Iwangehandle**

- Magumeni ulwa naMphikeleli emhlanganweni ufunu kucalwe ngaloku lokufunwa nguye.
- Tigameko lapho ummango ungavumelani nesento saMagumeni sekuhamba akhankhasela lukhetfo angcolisa ligama laMphikeleli.
- Kushayisana kwemibono emkhatsini waMagumeni naShongwe ngobe atsi Mphikeleli unguumchamuki.
- Kungeneliseki kwaMagumeni ngekutsi Mphikeleli akanaticu tekuphatsa ummango.

**Lotifiso**

**Tigameko letivetwa nguLotifiso letakha ludvweshu Iwangehandle**

- Kusolwa kwaMphikeleli nguLotifiso ngekucedvwa kwemikhukhu nekutsi tifiki tona utawutenta njani.
- Kushayisana kwemibono ngekwakhelwa kwebantfu tindlu letitawubanika sitfunti.
- Kushayisana kwemibono ngekucanjwa kwemagama etindzawo.
- Kungaboni ngaliso linye emkhatsini waLotifiso naKhulumile ngalotawuphumelela elukhetfweni emkhatsini waMagumeni naMphikeleli.

(Naletinye tigameko letingakabalwa lapha letigcamisa tinhlobo teludvweshu enovelini temukelekile.)

**Sipheto**

Bahlolwa basonga konkhe loko labebacoca ngako lapha ngenhla, ngetinhlobo teludvweshu lolusenovelini.

**CAPHELA:** Bahlolwa kumele bacaphune tigameko letisendzaben i letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C**

[25]

**UMBUTO 9: IMIBUTO LEMIFISHA****KUBAMBA LETINGELAKO – DE Nkosi**

- 9.1 Kube nemoya wekutfobelana nekuvana emkhatsini webafundzi nebaphatsi benyuvesi. (2)
- 9.2 Ludvweshu Iwangaphandle ngobe kunezungaboni ngeliso linye emkhatsini waMphikeleli naSikhulu Tsabetse ngekuhlanganiswa kwebelaphi bendzabuko nebalaphi basenshonalanga. (2)
- 9.3 Tetsamelilwati tifuna kwati kutsi Matsiya utawuphila yini/Tetsamelilwati tifuna kwati kutsi ngabe emaphoyisa atitfola yini letikhali.  
(Naleminye imibono lenembako yemukelekile.) (2)
- 9.4 Kunabodokotela/Kuhlanganiswa bodokotela besintfu nabodokotela basenshonalanga lokukhomba sikhatsi sanyalo/Kucilongwa kwemichamo, kunemasejari/Kudvonswa ingati lokukhomba sikhatsi sanyalo. (Kubili kwaloku.)  
(Naleminye imibono lenembako yemukelekile.) (2)
- 9.5 Mphikeleli usenyuvesi uyafundza/Akanaki tigameko tekuhlaselwa kwakhe ngemaphoyisa, uchubeka nekufundza/Akanaki kuhlukunyetwa kwakhe nguSikhulu Tsabetse ngobe uyati kutsi Kubamba Letingelako lokusho sihloko salenovel. (Naleminye imibono lenembako yemukelekile.) (2)
- 9.6 Kubiketela sigameko sekukhetfa kwakhe abe yimeya aphindze abe ngusosifundzave njengobe vele abesebentela ummango. (2)
- 9.7 Usebentise lisu lekufunta Sikhulu Tsabetse inkulumo/Usebentise lisu letento ngesigameko sekucosha Mphikeleli esikolweni/Kwala kubuyeketa sincumo sekucosha Mphikeleli esikolweni. (kunye kwaloku.) (2)
- 9.8 Inhoso yembhali kuveta kutsi nakungaba nelubanjiswano lekwelapha ngekwendzabuko nangekulashwa kwasenshonalanga bantfu labanyenti bangaphila njengobe naMatsiya aphilile/Kukhomba kutsi naloku kwesintfu kuyasebenta kungalahlw. (Kunye kwaloku.)  
(Naleminye imibono lenembako yemukelekile.) (2)
- 9.9 Bafundzi bafundza kuba neluelo nesihawu nangabe umuntfu ahluphekile afuna lusito njengobe LaDladla wekhuta indvodza yakhe Sikhulu Tsabetse ancisha Mphikeleli indzawo yekuhlala.  
(Naleminye imibono lenembako yemukelekile.) (2)
- 9.10 Kuliciniso ngobe Sikhulu Tsabetse abeyati imphilo yebatali baMphikeleli yekulwa nembuso wembalandlati. (2)
- 9.11 Inkinga yenhlupheko yaMphikeleli yasombululeka ngobe wagcina afundzile wabanemndeni, wasebentela ummango njengekjesifiso sakhe. (2)
- 9.12 Ungumlandzi longusatikonkhe ngobe;
  - Wati imicabango yebalingisi,
  - Wati lingemuva labo,
  - Wati indzawo lebakuyo
  - Wati imiva yabo. (Kutsatfu kwaloku.) (3)

[25]

**UMBUTO 10: UMBUTO LOYINDZABAMHALO****TIBOPHO TELUTSANDVO – JJ Thwala**

Sakhiwo sendzabambhalo kumele sivete **singeniso, umtimba nesiphetfo**.

**Tigameko letivetwa tinhlobo teludvweshu kulenoveli.**

**Singeniso**

Bahlolwa bachaza kutsi yini ludvweshu futsi basho nekutsi kunetinhlobo letimbili teludvweshu: Ludvweshu Iwangekhatsi neludvweshu Iwangaphandle.

**Umtimba**

Bahlolwa baveta tigameko letakha ludvweshu.

**LaNdlovu**

**Tigameko letivetwa nguLaNdlovu letibanga ludvweshu Iwangehandle kulapho:**

- LaNdlovu acabana naMlungisi ngenca yekutsandzana naLomusa longumfelokati.
- LaNdlovu ufunu Mlungisi atekte Sitsembile kunaLomusa.
- LaNdlovu acabana naMlungisi ngekufuna kuteka intfombi langayati imvelaphi yayo.
- LaNdlovu acabana naMlungisi ngenca yekudla tidzakamiva kwaLomusa ate angeniswe esibhedlela.

**Macaleni**

**Tigameko letivetwa nguMacaleni letibanga ludvweshu Iwangehandle kulapho:**

- Macaleni acabana naMlungisi ngalesikhatsi amtfola endlini yaLomusa.
- Macaleni nebangani bakhe bemele Mlungisi endleleni bamshaya ngeluketange.
- Macaleni nebangani bakhe bacabana naMlungisi esibhedlela nabayovusela Lomusa.
- Macaleni alwisa Mlungisi ngekumtsatsela umfati wakhe abe agcoke inzilo.

**Mlungisi**

**Tigameko letivetwa nguMlungisi letibanga ludvweshu Iwangekhatsi kulapho:**

- Mlungisi asemotweni yaboLomusa alandvwe ngenkhani ashiye Sitsembile ekhaya.
- Mlungisi atibuta kutsi kumele atekte bani emakhatsini waSitsembile naLomusa.
- Mlungisi acabanga kutsenga sibhamu sekubulala Macaleni.
- Mlungisi acabanga ngemali yemalobolo kutsi ngabe ifike etandleni letifanele yini.

(Naletinye tigameko letingakabalwa lapha letigcamisa tinhlobo teludvweshu enovelini temukelekile.)

**SIPHETFO:**

Bahlolwa basonga konkhe loko labebacoca ngako lapha ngenhla, ngetinhlobo teludvweshu lolusenovelini.

**CAPHELA:** Bahlolwa kumele bacaphune tigameko letisencwadzini letesekela imibono yabo.

**BONA EMARUBHRIKI EKUMAKWA KWENDZABAMHALO, SICHIBIYELO B na C.**

[25]

## UMBUTO 11: IMIBUTO LEMIFISHA

### TIBOPHO TELUTSANDVO – JJ Thwala

- 11.1 Ngumoya wekwesaba/Kukhatsateka ngobe Mlungisi wesabela imphilo yaSitsembile njengobe anyamalele atsetfwe yimoto lebovu. (2)
- 11.2 Ludvweshu Iwangekhatsi, Mlungisi ucabanga kuya esangomeni aphindze atekhute ngenca yetintfo lativile ngalesangoma/Kuphambana imicabango engcondvweni yaMlungisi kutsi ateke Lomusa nobe Sitsembile. (2)
- 11.3 Letheksthi inaye mdvonseni ngobe tetsamelilwati tifuna kwati kutsi Sitsembile utsetfwe ngubani/Tetsamelilwati tifuna kwati kutsi kutawentekani uma kuLangana Mlungisi naMacaleni. (2)
- 11.4 Letheksthi lengenhla iyincenyne yesicakacaka ngobe kungenelela bantfu labanyenti/KunaSitsembile lolahlekile/Liphupho leliloku limbelesele Mlungisi kanye naLaNdlovu longafuni kumbona Lomusa longumfelokati/NaMadvodza ubelesele ngekubuta Mlungisi kutsi vele uyamteka yini Lomusa. (Naleminye imibono lenembako yemukelekile.) (2)
- 11.5 Kukhetsa kushada naLomusa nanobe abona kutsi kunetinkinga/Mlungisi utsi akakwati kuncamula lutsandvo lanalo ngaLomusa lokukhombisa kutsi uhambelana nesihloko salenoveli lesitsi Tibopho Telutsandvo. (Naleminye imibono lenembako yemukelekile.) (2)
- 11.6 Imoto lebovu kuletheksthi kutsiwa itfumba emantfombatane, agagadlelwe futsi abulawe. Esiphetfweni boLomusa nebangani bakhe **labahamba ngemoto** lebovu baboshelwa emacula lafaka ekhatsi kutfumba nekubulala. (2)
- 11.7 LaNdlovu unguilingisi loyindilinga. Kuletheksthi akafuni kuva lutfo ngaLomusa kodvwa eluvutfondzabeni uyagucuka uyavuma kutsi Mlungisi ashade naLomusa. (2)
- 11.8 Umbhali bekafuna kuveta kutsi umlingisi uyalilandzela ligama lakhe njengaye Macaleni lobekatsanza kulwa futsi enta bugebengu lapho ahamba khona/**Kwecwayisa tetsamelilwati kutsi tingetsi bantfwana emagama lamabi ngobe bayawalandzela.** (Naleminye imibono lenembako) (2)
- 11.9 Ngumlayeto wekutsi bugebengu abukhetsi bala lemuntfu njengobe naNkhangala angumdzeshi enta bugebengu/**Bantfu labamnyama nalabamhlophe bayavakashelana etindzaweni labahlala kuto ngobe sebakhululekile**  
(Naleminye imibono lenembako yemukelekile.) (2)
- 11.10 Liciniso ngobe Madvodza yonkhe imibuto labuta yona Mlungisi ngaLomusa ikhomba kutsi unelwati ngemphilo yaLomusa. (2)
- 11.11 Ayikasombululeki ngobe Mlungisi abebukene nenkinga yekuteka umfati, ekugcineni ngelilanga lemshado makoti longuLomusa akafikanga, kwevakala kutsi sewuboshiwe kanye nebangani bakhe. (2)
- 11.12 Ungumlandzi longusatikonkhe ngobe;
- Wati imicabango yebalingisi,
  - Wati lingemuva labo,
  - Wati indzawo lebakuyo
- Wati imiva yabo. (Kutsatfu kwaloku.) (3)

[25]

**UMBUTO 12: UMBUTO LOYINDZABAMBHALO****SILULU SEMASWATI – NC Mthethwa**

Sakhiwo sendzabambhalo kumele sivete **singeniso, umtimba nesiphetfo**.

**Tibonelo tekusetjentiswa kwemifanekisomcondvo kulenganekwane, tibongo netaga.**

**Singeniso**

Bahlolwa bachaza kutsi imifanekisomcondvo lokutitfombe letakheka engcondvweni yalofundzako iyaye isetjentiswe kugcamisa imicondvo letsite ematheksthini etemdzabu njenetinganekwane, tibongo netaga.

**Umtimba**

Bahlolwa baveta tibonelo temifanekisomcondvo leyakha ibuye igcamise imicondvo letitsite kubafundzi.

**Tibonelo letiveta imifanekisomcondvo kulenganekwane lets Hluphekile:**

- Sifaniso - Hluphekile uvetwe amuhle njengelilanga lipuma: Kwakhela bafundzi sitfombe sentfombi lenhle kakhulu.
- Sifaniso - Likhala lakhe belime kuhle kwelemdzeshi. Kuvetela bafundzi sitfombe sentfombi lenemphumulo lemile njeneyemdzeshi.
- Kwetsiwa kweligama Hluphekile - Kusakhela sitfombe semuntfu lophuyile/lohluphekile.

**Tibonelo letiveta imifanekisomcondvo ngetibongo tenkhosi Tobias Nkosi**

- Sifaniso - Nawe, Yelovuk' emcubeni Lonjengankunzi. Kwakhela bafundzi sitfombe senkhosi lenemandla esigodlwani sayo.
- Sifanisingco - Liphondvo Iwenkunzi yakanNdlela. Kwakhela bafundzi sitfombe sekuhlakanipha kwenkhosi Tobias/Sitfombe sekutivikela.
- Sifaniso - Batse bangakujikijela, base bayakufulatsela njengesagila. Kuvetela bafundzi sitfombe semuntfu lolahliwe longanakwa.

**Tibonelo letiveta kusatjentiswa kwemifanekisomcondvo yetaga**

- Saga lesifanisongco - Inkukhu ijutjwe umlomo- Sewuphelelwe ngemagama akasati kutsi utawutsini. Kuveta sitfombe semuntfu lohluliwe longasati kutsi kufanele atsini nobe enteni bonkhe bucili bakhe buvele ebeleni.
- Saga lesifanisongco - Emanti angacitseka acitsekile. Lokonakele angeke usakulungisa. Kuvetela bafundzi sitfombe semanti lacitsekile lewungeke usawabutsa lokuchaza kutsi letinye tintfo tingonakala atilungiseki.
- Saga lesifanisongco - Intsandzane lenhle ngumakhotfwa ngunina. Umntfwana ukhula kahle uma anakekelwa ngunina wakhe. Kuveta sitfombe semntfwana loshonelwe batali bakhe losele netihlobo letingamnakekeli.

(Naletinye tigameko letingakabalwa lapha letigcamisa imifanekisomcondvo kulenganekwane, tibongo netaga temukelekile.)

**SIPHETFO:**

Bahlolwa basonga konkhe loko labebacoca ngako lapha ngenhla, ngekuphawula ngemifanekisomcondvo levetwe kulenganekwane, tibongo netaga.

**CAPHELA:** Bahlolwa kumele bacaphune tibonelo letisencwadzini letesekela imibono yabo.

**BONA EMARUBHRIKI EKUMAKWA KWENDZABAMBHALO, SIGABA B ne-C.**

[25]

**UMBUTO 13: IMIBUTO LEMIFISHA****SILULU SEMASWATI – NC Mthethwa****KUDVUNGUTELA KWENKOSI**

- 13.1 Tilwane tihlalisene kahle ngobe tiyavuselana/Tiyavelana/Titfobela umtsetfo uma tibitwa yinkhos. (Kubili kwaloku.) (2)
- 13.2 Ngumoya welusizi nemoya wekukhatsateka ngobe tilwane tigulelwa yinkhos yato. (2)
- 13.3 Imphisi nemphungushe kunetimilo letifanako ngobe tonkhe atikatsembeki futsi tinebucili. (2)
- 13.4 Ludvweshu Iwangaphandle ngobe kunekevani emkhatsini wemphungushe nemphisi. (2)
- 13.5 Sifundvo sekutsi tfola onkhe emaciniso ngembikwekutsatsa sincumo ungatsatsi luhlangotsi ungakatfoli emaciniso. (2)
- 13.6 Lesisho lesitsi 'kwembulwa kwembeswe' sihambelana kahle nesimo selibhubesi ngobe ligula kakhulu; lesisho sichaza simo sekugula kakhulu. (2)
- 13.7 Cha ayikasombululeki ngobe libhubesi beligula lidzinga likhambi lekuliphilisa, kodvwa ekugcineni kubulawa imphisi lokungasiso sisombululo senkinga levetwe ekucaleni. (3)

**TIBONGO TENGWENYAMA MSWATI II**

- 13.8 Imphindza ngobe kuphindvwe ligama lelifanako 'Atidla' emgceni munye. (2)
- 13.9 Luchumano loluvundlile ngobe leligama leligcinile emgceni we-14 kucalwe ngalo emgceni we-15. (2)
- 13.10 Kuletsa sigci kuvakale kusamculo lomnandzi. (2)
- 13.11 Emagama kulemigca yaletibongo awalingani asukela kulamabili aye kulasihlanu. (2)
- 13.12 Ngikuphica ngendvodza lenelulaka leshayisa kwembani. (2)

**SAMBA SESIGABA B:** **25**

**SIGABA C: UMDLALO****UMBUTO 14: UMBUTO LOYINDZABAMBHALO****KUTAWUBA NJALO – SZ Simelane**

Sakhiwo sendzabambhalo kumele sivete ***singeniso, umtimba nesiphetfo.***

***Simo sendzawo, simonhlalo nesimo sesikhatsi.***

**Singeniso**

Bahlolwa bachaza kabanti esingenisweni kutsi yini sibekandzaba babuye basho kutsi indzaba yenteka ibuye yesekelwe sibekandzaba lesitsite.

**Umtimba**

Bahlolwa baveta emaphuzu lakha sibekandzaba salomdlalo.

- **Simo sendzawo.**

Umdlalo wenteka kaMatsamo, lokuyindzawo lesemakhaya lebonakala ngaloku:

- Kufuyiwe, kunatfwa emahewu, kosiwa ummbila futsi kudliwa kudla kwesintfu.
- Kuyavunulwa, emadvodza aphatsa tagila uma ahamba endleleni.
- Kuphekelwa edladleni futsi kutfotwa tinhuni.
- Baphetfwe yindvuna lapho kwabikwa khona indzaba yaMphotfo.

- **Simonhlalo**

Labanye bantfu balenzawo bahlalisane kahle kantsi labanye abakahalisani kahle:

- Kunebugebengu. Kubulawa kwaLaMkhanazi ngesihluku alahlwe emnyango wendlu yaGedlembane.
- Kunekuhlukumeteka kwemalungelo eluntfu, Mphotfo naNcobile bayahlukunyetwa.
- Hleta naLaHleta bayatsandzana, bayesekelana/Ncobile nebangani bakhe bayesekelana.
- Kukhona labacamba emanga njengaHleta lowahlukanisa Mphotfo naNcobile.

- **Simo sesikhatsi**

Umdlalo wenteka esikhatsini sanyalo, lokubonakala ngaloku:

- Kunetikolo. Bantfiana bakulenzawo bafundzile baneticu.
- Kulandywa imiphumela eposini/Kuhlanganelwa ehhotela.
- Bachumana ngabomakhalekhikhini futsi kuhanjwa ngetimoto.
- Kunetibhedlela letinetinsita letisembili.

(Naleminye imibono lenembako yemukelekile.)

**BONA EMARUBHRIKI EKUMAKWA KWENDZABAMBHALO, SICHIBIYELO B na C.**

[25]

**UMBUTO 15: IMIBUTO LEMIFISHA****KUTAWUBA NJALO – SZ Simelane**

- 15.1 Kunemshado lomhlophe **futsi kunelithende** lelakhiwe kaboncobile lokukhombisa sikhatsi sanyalo/**Kuneliwashi**. (2)
- 15.2 Similo saVelifile sikhombisa kutsi uphistsene enhloko ngobe utibita ngemkhwenyane waLaHleta futsi utsi nguye loshada naNcobile lamuhla/**Ungumuntfu lotsandza kwenta emahlaya**.  
(Naleminye imibono lenembako yemukelekile.) (2)
- 15.3 Kungobe Mphotfo sewufundzile, uphila kahle, sewunemali futsi sewungudokotela wenhltiyo/Unguyise wemntswana waNcobile futsi ubalobolele kahle. (Kunye kwaloku.)  
(Naleminye imibono lenembako yemukelekile.) (2)
- 15.4 Letheksthi inato timphawu tekudlaleka enkhundleni ngobe linani lebadlali aledluli kulabasihlanu /Kunenkhulumiswano/Indzawo igcogcekile/Kunemnyakato. (Kubili kwaloku.) (2)
- 15.5 Kuletheksthi kujatjuliwe ngobe lilanga lemshado waNcobile naMphotfo, kuyaphitsitela futsi kuyalilitwa nemaphimbo asetulu. (2)
- 15.6 Letheksthi igcamisa luvutfondzaba Iwalomdlalo ngobe inkinga yekungevani emkhatsini waNcobile nebatali bakhe iyasombululeka, ngobe Ncobile ushada nemuntfu lamtsandzako latikhetsel yena. (2)
- 15.7 LaMagagula uyitfutfukisile ingcikitsi yelutsandvo nemfundvo ngefukamela Ncobile ngalesikhatsi acoshwe ngumphotfo atetfwele lokwenta kutsi akhone kubuyela esikolweni futsi wagcina ashade neyise wemntswana (2)
- 15.8 Lomdlalo usenamisi, awusyo imbangalusizi ngobe uphela ngendlela lejabulisako, Ncobile uyashada. (Naleminye imibono lenembako yemukelekile.) (2)
- 15.9 Lenkhulomo isho kutsi timfihlo takho tivele ebaleni. Timfihlo taHleta tekubulala LaMkhwanzai, Gedlembane naMagagula tivela ebaleni esiphetfweni salomdlalo. Uyaboshwa Hleta ngemacala ekubulala (Naleminye imibono lenembako yemukelekile.) (2)
- 15.10 Umlayeto wekutsi kubemtsetfo licala aliboli nekutsi sandla semtsetfo sidze/Alikho licili lelatikhotsa emhlane/Ayikho imphunga yelihlatsi nobe ungenta tintfo letimbi ungabonwa kepha ekugcineni kuyavela. (Kubili kwaloku.)  
(Naleminye imibono lenembaka yemukelekile.) (2)
- 15.11 Lenkhulomo isho kutsi bantfwana balikusasa lemtali. BoNcobile nebangani bakhe bafundzile sebayasebenta/Ncobile ulijaji, Ncane unguthishelanhloko, Celiwe wengamele emabhangi, Mphotfo ngudokotela wenhltiyo loko kukhomba kutsi batali babo bayajabula ngabo ngobe batawuletsa lushintjo emindenini yabo. (Kunye kwaloku.) (2)
- 15.12 Umbhali uphumelele kahle kwetfula Ncane njengemelekeleli ngobe wesekele Ncobile ngasosonkhe sikhatsi nakabukene netinkinga/Uyamkhutsata ngalesikhatsi afuna kuyekela sikolo atetfwele/Umvakashela esibhedlela ngalesikhatsi alimele, nangalesikhatsi ayewubeleka. (Kutsatfu kwaloku.)  
(Naleminye imibono lenembako yemukelekile.) (3)

[25]

## UMBUTO 16: UMBUTO LOYINDZABAMBHALO

### **LAMI LISIPHETFO – JJ Thwala**

Sakhiwo sendzabambhalo kumele sivete **singeniso, umtimba nesiphetfo.**

**Simo sendzawo, simonhlalo nesimo sesikhatsi.**

#### **Singeniso**

Bahlolwa bachaza kabanti esingenisweni kutsi yini sibekandzaba babuye bachaze kutsi indzaba yenteka ibuye yesekelwe sibekandzaba lesitsite.

#### **Umtimba**

Bahlolwa baveta emaphuzu lakha sibekandzaba salomdlalo.

- **Simo sendzawo.**

Umdlalo wenteka kaLobamba, lokuyindzawo lesemakhaya lebonakala ngaloku:

- Kubusa inkhosu netindvuna tayo.
- Kunetinkhomo kufuyiwe.
- Kunemabutfo enkhosi.
- Kunetindlu tesintfu, lilawu, intsanga, sigodlo nasemphakatsi.

- **Simonhlalo.**

Labanye bantfu balenzawo bahlalisane kahle kantsi labanye abakahalisani kahle:

- Mahubhulu nelibandla lakhe bavukela umbuso waSomhlolo.
- Akwetsenjwana kusatjiswana ngekuhlaselana.
- Somhlolo naletinye tindvuna bahlalisene kahle.
- Ingwenyama Somhlolo isita bantfu labeta kuyo ngetinkinga letehlukene bahambe bajabulile.

- **Simo sesikhatsi.**

Kwenteka kwendzaba esikhatsini sakudzala lokubonakala ngaloku:

- Kuyatingelwa.
- Kulotjolwa ngetinkhomo letinyenti letihamba ngemasondvo.
- Kuhanjwa ngetinyawo libanga lelidze, kute tigitjelwa.
- Emabutfo ayaphuma ayohlasela letinye tive.

(Naleminye imibono lenembako yemukelekile.)

#### **Siphetfo:**

Bahlolwa basonga konkhe lebebacoca ngako lapha ngenhla, ngekuphawula ngemphumelelo yembhali kuveta sibekandzaba salomdlalo.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C.**

[25]

**UMBUTO 17: IMIBUTO LEMIFISHA****LAMI LISIPHETFO – JJ Thwala**

- 17.1 Kusemakhaya ngobe kubusa inkhos **netindvuna futsi** kubangwa nebukhos. (2)
- 17.2 Nsibandze uyahlonipha, utfobela imiyalo yenkhosi aphindze ayesekele kuko konkhe/Wetsembekile ngobe wenta kahle konkhe latfunywe kona.  
(Kunye kwaloku.) (2)
- 17.3 Ifuna kwakha buhlobo naletinye tive letibomakhelwane kute kube nekuthula eveni lonkhe/Inkhosi ivimbela kucitseka kwengati kute kungahlaselwana.  
(Kunye kwaloku.) (2)
- 17.4 Linani lebadlali aledluli kulabasihlau/Kunenkhulumiswano/Indzawo igcogcekile. (2)
- 17.5 Simo **semoya** sishubile kunekwesaba kutsi Mahubhulu angahle atsatsele inkhos bukhosi bayo/Kuneluvalo lwekutsi Mahubhulu angasusa imphi ahla sele inkhos. (Kunye kwaloku.) (2)
- 17.6 Letheksthi lengenhla iveta sicakacaka ngobe tintfo setishubile badlali sebangemacembu, bakhona labesekela inkhos labanye bese kela Mahubhulu lobanga tinkinga ngekukhuluma langakatfunywa kona yinkhos. (2)
- 17.7 Mahubhulu utfutfukisa ingcikitsi lengumbango webukhos ngekuphambana netifiso tenkhosi, nekuphikisana nendlela inkhos lefuna kubusa ngayo.  
(Naleminye imibono lenembako yemukelekile.) (2)
- 17.8 Lomdlalo awusiso senamisi, uyimbangalusizi ngobe esiphetfweni kunemdlali loshonako. (2)
- 17.9 Emachinga aMahubhulu avele ebeleni wangasati kutsi utativikela atsini ngobe inkhos seiyati ngemanga lawakhulume kulamakhosi labefunywe kuwo/Kuvele ebeleni kutsi ufun kutsatsela inkhos bukhosi, wabona kutsi kuncono atibulale.  
(Naleminye imibono lenembako yemukelekile.) (2)
- 17.10 Umlayeto wekutsi uma ungumake kumele ube neteluleko letinhle letakhako emntfwaneni wakho njengaye Somnjalose lobekaluleka inkhos ngetembusave/Bomake banalo likhono lebuholi kutembusave. (Kunye kwaloku.) (2)
- 17.11 Inkhos Somhlolo beyibusu ngekutfolu luvo Iwetindvuna tayo ngembikwekutsatsa tincumo. Loku kuhambisana nalenkhulomo lechaza kutsi nawunetinkinga cela lusito kulabanye. (2)
- 17.12 Sihloko sikhetske kahle ngobe;
  - Inkhos itsi 'Lami Lisiphetfo', ngobe isho kutsi itawubusa ngendlela yayo yekungacitsi ingati.
  - Mahubhulu utsi, 'Lami Lisiphetfo', Asho kutsi utawuhlasela acitse ingati kute atsatse umbuso.
  - Ekugcineni livi lenkhosi laba siphetfo.
(Naleminye imibono lenembako yemukelekile.) (3)

**SAMBA SESIGABA C:** 25  
**SAMBA SAKO KONKHE:** 80

**SIGABA A: IRUBHRIKI YEKUHLOLA INDZABAMBHALO YENKONDLO [10 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumeleli
<b>LOKUCUKETFWE</b>	<b>5–6</b>	<b>4</b>	<b>3</b>	<b>2</b>	<b>0–1</b>
Kuchazwa kwesihloko Kujula kwemibono, Kwesekela nekuvisiswa kwetheksthi  <b>6 EMAMAKI</b>	-Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe enkondlweni -Luhlobo lwembhalo kanye nenkondlo kuvisiswa ngemalengiso	-Sihloko sichazwe ngelicophelo lelisetulu kukhomba kusivisa -Emaphuzu ekwesekela ayevakala kodvwa akaketfulwa ngendlela lelindzelekile -Luhlobo lwembhalo kanye nenkondlo kuvisiswa ngelicophelo lelisetulu	-Sihloko sichazwe ngalokwenetisako -Akhona lamanye emaphuzu lamahle lesesekela sihloko ngalokwenetisako -Leminye imibono yesekelwe kodvwa esikhatsini lesinyenti bufakazi abukholweki -Luhlobo lwembhalo kanye nenkondlo kuvisiswa ngalokwenetisako	-Kuchazwa kwesihloko akwenetisi -Kulukhuni kutfola emaphuzu lesekela sihloko -Luhlobo lwembhalo kanye nenkondlo akukavisiswa kahle	-Sihloko asikavisiswa nakancane -Akukho kucaphuna enkondlweni -Luhlobo lwembhalo kanye nenkondlo akukavisiswa nakancane
<b>SAKHIWO NELULWIMI</b>	<b>4</b>	<b>3</b>	<b>2</b>	<b>1</b>	<b>0-1</b>
Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>4 EMAMAKI</b>	-Sakhiwo lesibumbene ngemalengiso -Imibono yakhiwe yahleka ngalokucacile nangemalengiso -Lulwimi, umoya nesitayela kuvutsiwe futsi akunamaphutsa -Emaphutsa eluhlelo, sipelingi netimphawu tekufundza kuyindlala	-Sakhiwo lesicacile lesinemibono lehleleke ngelicophelo lelisetulu -Imibono letfuliwe iyalandzeleka -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kubumbana nekuhleleka kwemibono kuyenetisa -Lulwimi lunemaphutsa langasho lutfo; umoya nesitayela kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akukemukeleki	-Sakhiwo lesingemukeleki nakancane -Imibono ihlangahlangene -Lulwimi lolunemaphutsa lamanyenti nesitayela lesingemukeleki -Umoya nesitayela akwemukeleki nakancane

CAPHELA: Nangabe umhlolwa angakabhali ngalokufunwa ngumbuto, abe abhale lokunhlanhatsako, akanganikwa emamaki ako kokubili, Lokucuketfwe, Sakhiwo neLulwimi.

**SIGABA B NA-C: RUBHRIKI YEKUHLOLA INDZABAMBHALO – YENOVELI TEMDZABU NEMDLALO [25 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumeleli
<b>LOKUCUKETFWE</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
Kuchazwa kwesihloko Kujula kwemibono, Kwesekelwa nekuvisiswa kwetheksthi  <b>15 EMAMAKI</b>	-Imphendvulo lenemininingwane lengemalengiso lababatekako: 14–15 Imphendvulo lenemininingwane lengemalengiso langababateki: 12–13 -Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe etheksthini -Luhlobo lwembhalo kanye netheksthi kuvisiswe ngemalengiso	-Imphendvulo lenemininingwane lesecophelwesi lelisetulu -Sihloko sichazwe ngelicophelo lelisetulu kukhomba kusivisa -Lamanye emaphuzu ekwesekela ayevakala kodvwa akaketfulwa ngendlela lelindzelekile -Luhlobo lwembhalo kanye netheksthi kuvisiswe ngelicophelo lelisetulu	-Sihloko sichazwe ngalokwenetisako kodvwa akusito tonkhe tihlangotsi leticikelele ngalokuphelele -Akhona lamanye emaphuzu lamahle lesesekela sihloko ngalokwenetisako -Lamanye emaphuzu esekelwe kodvwa esikhatsini lesinyenti bufakazi abukholweki -Kukhona lokusilele ekuvisiseni luhlobo lwembhalo kanye netheksthi	-Sihloko sichazwe ngekunyanyalata ngaphandle kweminingwane lesekkelako -Ambalwa kakhulu emaphuzu lafanele kwesekela sihloko -Kuncane kakhulu kuvisiswa kweluhlobo lwembhalo netheksthi	-Kuncane kakhulu kuvisiswa kwesihloko -Mncane kakhulu umzamo wekuphendvula umbuto -Imibono ayikholweki -Luhlobo lwembhalo kanye netheksthi akukavisiswa nakancane
<b>SAKHIWO NELULWIMI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>10 EMAMAKI</b>	-Sakhiwo lesibumbene -Singeniso nesipheto lesingemalengiso -Imibono yahkiye yahleka ngemalengiso -Lulwimi, umoya nesitayela kuvutsiwe futsi akunamaphutsa	-Sakhiwo lesicacile lesinemibono lehleleke ngelicophelo lelisetulu -Singeniso nesipheto kanye naletinye tindzima kuhleleke ngalokumbene -Imibono ihleleke ngelicophelo lelisetulu -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kuhleleka nekubumbana -Kuhleleka nekubumbana kwemibono kuyenetisa kodvwa kunemaphutsa -Lulwimi lunemaphutsa lambalwa; umoya nesitayela kuyenetisa Kuhleleka kwetindzima kuyenetisa	-Sakhiwo sikhomba emaphutsa ekuhlela -Imibono ayikahleki ngalokumbene -Lulwimi lunemaphutsa lamanyenti -Umoya nesitayela akwemukeleki Kuhleleka kwetindzima kunemaphutsa	-Kungahleleki kahle kwesakhiwo kuhkinyabeta kubumbana kwemibono -Emaphutsa elulwimi nesitayela lesingakemukeleki kwenta lombalo ungabi yimphumelelo -Umoya nesitayela akwemukeleki -Tindzima tihangahlangene
<b>KWEHLUKA KWEMAMAKI</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

- Kufanele kungabi nemehluko wemazinga lamabili emkhatsini welimaki leSakhiwo neLulwimi nelimaki laLokucuketfwe.
- Imphendvulo lengaphendvuli umbuto ayinganika emamaki aLokucuketfwe neweLulwimi neSakhiwo.